



Republika e Kosovës
Republika Kosovo-Republic of Kosovo
Kuvendi - Skupština - Assembly

LEGJISLATURA IV

Sesioni vjeshtor

Komisioni për Bujqësi, Pylltari, zhvillim Rural, Mjedis dhe Planifikim Hapësinor

Mbledhja nr. 99

Prishtinë, më 22.1.2013, ora 11,00

Ndërtesa e Kuvendit, sala N-303

PROCESVERBAL
I MBLEDHJES SË KOMISIONIT

Në mbledhje morën pjesë: Nait Hasani, Rasim Demiri, Sevdije Lama, Afërdita Berisha-Shaqiri, Salih Morina, Boban Todorović dhe Nijazi Idrizi.

Munguan : Liburn Aliu dhe Daut Haradinaj.

Të ftuar dhe pjesëmarrës tjerë: sipas listës së nënshkruar nga pjesëmarrësit.

Stafi mbështetës i komisionit: Bajram Badivuku dhe Ylber Sherifi.

Mbledhjen e kryesoi **Nait Hasani**, kryetar i komisionit.

Për këtë mbledhje u propozua ky rend dite :

1. Miratimi i rendit të ditës,
2. Miratimi i Procesverbalit të mbledhjes së komisionit, të mbajtur më 17.12.2012,
3. Shqyrtimi i Planit të punës së Komisionit për vitin 2013,
4. Shqyrtimi i Projektligjit për ujërat e Kosovës,
5. Shqyrtimi në parim i Projektligjit për Planifikim Hapësinor dhe Inspektoratet,
6. Të ndryshme.

Kryesuesi konstatoi se janë plotësuar kushtet për fillimin e punës dhe hapi mbledhjen me pikën e parë të rendit të ditës duke uruar punë të mbarë edhe në sesionin pranveror, njëherit falënderoi Komisionin për angazhimet në vitin e kaluar.

1. Miratimi i rendit të ditës

Rendi i ditës u miratua pa ndryshime.

2. Miratimi i Procesverbalit të mbledhjes së mbajtur më 17.12.2012

Kryetari i Komisionit konstatoi se Komisioni miratoi Procesverbalin e mbledhjes së mbajtur më 17.12.2012.

3. Shqyrtimi i Planit të punës së Komisionit për vitin 2013

Kryetari në fillim njoftoi për punën që pritet të bëjë ky Komisioni gjatë këtij viti ku do të përfshihen 19 Projektligje dhe shumë aktivitete tjera të Komisionit duke kërkuar edhe mbështetjen nga bashkëpunëtorët e Kuvendit siç janë NDI, KDI, REC etj, sidomos në aspektin financiar rreth angazhimeve gjatë shqyrtimit të Projektligjeve. Anëtarët e Komisionit **njësori ishin të pajtimit për MIRATIMIN NË PARIM TË PLANIT TË PUNËS për këtë vit dhe plotësimin e tij eventual deri në mbledhjen e radhës** nga mbështetësit e deritanishëm të Komisionit apo edhe nga anëtarët e komisionit.

4. Shqyrtimi i Projektligjit për ujërat e Kosovës

Kryetari fillimisht falënderoi grupin punues që ka punuar me këtë Projektligj dhe pasi që u sqaruan disa çështje në dy amendamente të grupit punues, Komisioni nxori :

P Ë R F U N D I M

MIRATOHET Projektligji për ujërat e Kosovës me 51 Amendamente të rekomanduara, të cilat i përcjellën Komisioneve të përhershme në procedim të mëtejshëm.

Kërkohej nga MMPH pajtimi me shkrim lidhur me Amendamentet e rekomanduara ngase Amendamentet e kësaj ministrie janë miratuar dhe harmonizuar bashkërisht me këtë Komision.

5. Shqyrtimi në parim i Projektligjit për Planifikim Hapësinor dhe Projektligjit për Inspektoratet

Në vazhdim u miratuan dy Projektligjet në parim duke ofruar bashkëpunimin njëri nga mbështetësit e Kuvendit të Kosovës, përfaqësuesi i së cilës ishte prezent, sidomos për Planifikim Hapësinor.

6. Të ndryshme

Në pikën të ndryshme **Kryetari i Komisionit** njoftoi se administrata ka kryer obligimin e marr nga ky Komision duke plotësuar Projektligjin për Agjencinë për komplekset memoriale, pasi që MMPH dhe Kuvendi janë pajtuar që ky Agjenci të themelohet si e pavarur dhe mbikëqyrur nga Kuvendi, ndaj në praninë e z. Xheladin Hoxha u miratua teksti i plotësuar i Amendamenteve si vijon :

Amendamenti 1

Neni 1, riformulohet, si në vijim :

Neni 1

Qëllimi

1. Me këtë ligj, themelohet Agjencia për Menaxhimin e Komplekseve Memoriale të Kosovës (në tekstin e mëtejshëm - Agjencia) si organ i pavarur.
2. Ky ligj përcakton statusin, organizimin, funksionimin, detyrat, përgjegjësitë dhe financimin e Agjencisë.

Amendamenti 2

Neni 2, riformulohet, si në vijim :

Neni 2

Përkufizimet

1. Shprehjet e përdorura në këtë ligj kanë këtë kuptim:
 - 1.1. **Agjenci-** Agjencia për Menaxhimin e Komplekseve Memoriale të Kosovës.

- 1.2. Zona e Interesit të Veçantë** – Zonë e shpallur në pajtim më Ligjin për planifikim hapësinor.
- 1.3. Kompleksi**- Hapësira e Zonës më Interes të Veçantë, e cila në kuadër të vet përveç memorialit përfshin edhe objekte tjera të trashëgimisë kulturo- historike;
- 1.4. Memoriali** - hapësirë e Kompleksit që shërben si qendër përkujtimore, për ndonjë personalitet apo ngjarje të caktuar historike;
- 1.5. Administrim** - Qeverisje, drejtim dhe organizim i punëve në një fushë duke u bazuar në rregulla dhe ligje përkatëse;
- 1.6. Menaxhimi** - Aktivitetet e koordinuara për të udhëhequr, administruar dhe kontrolluar Komplekset dhe Memorialët;
- 1.7. Investimet**- shuma e mjeteve të ndara për realizimin e projekteve të Agjencisë;
- 1.8. WEB-Faqja** - Faqe Elektronike e Agjencisë, për Komplekse Memoriale;
- 1.9. Linçet** - Të dhëna elektronike për Komplekse Memoriale.
- 1.10. Revista** - revistë vjetore për aktivitetet e Agjencisë.

Amendamenti 3

Pas **Nenit 2**, shtohet një Nen i ri, si në vijim:

Neni 3

Statusi i Agjencisë

1. Agjencia është organ i pavarur për projektimin, ndërtimin, administrimin dhe menaxhimin e Komplekseve Memoriale.
2. Agjencia është person juridik dhe për punën e vetë i raporton me shkrim një herë në vit, deri me 31 mars, Kuvendit të Republikës së Kosovës.
3. Nëpunësi i Agjencisë kanë statusin e shërbyesit civil.
4. Agjencia ka stemën, e cila përcaktohet me Akt Nënligjor.

Amendamenti 4

Neni 3, bëhet **Neni 4** dhe riformulohet, si në vijim:

Neni 4

Kompetencat e Agjencisë

1. Agjencia është përgjegjëse për menaxhimin e komplekseve memoriale të shpallura me vendim të Kuvendit si Zona me Interes të Veçantë kombëtarë dhe më karakter historik.
2. Agjencia është përgjegjëse për :
 - 2.1. projektimin, ndërtimin, administrimin dhe menaxhimin i Komplekseve Memoriale, në përputhje me legjisllacionin në fuqi, standardet vendore dhe ndërkombëtare.
 - 2.2. përcakton programet kërkimore – shkencore, aktivitetet dhe manifestimet e ndryshme, që kanë të bëjnë me zonat dhe historinë e tyre.
 - 2.3. bashkëpunimin me institucionet qeveritare dhe organizatat e dala nga Lufta e UÇK-së, Komunitatet përkatëse, Agjencitë turistike, për projektet që kanë të bëjnë me këto zona.
 - 2.4. krijimin e WEB-Faqes dhe mirëmbajtjen e Linçeve të veçanta për Komplekse Memoriale, si dhe publikon Revistën vjetore.
 - 2.5. iniciimin e procedurën për shpalljen e Zonave me Interes të Veçantë dhe përgatitë propozim vendimin për miratim në Kuvend.
 - 2.6. hartimin e Planeve Hapësinore, Urbane dhe Rregulluese të Zonave me Interes të Veçantë, që kanë të bëjnë me Komplekset Memoriale.
 - 2.7. hartimin e planeve për Menaxhimin e Komplekseve Memoriale.
 - 2.8. propozon shpalljen e Zonave më Interes të Veçantë kombëtarë dhe me karakter historik.
3. Përcaktimi i Kritereve për Komplekset Memoriale, rregullohet më Akt Nënligjor.

Amendamenti 5

Neni 4 , zëvendësohet , si në vijim:

Neni 5

Drejtori i Agjencisë

1. Agjencia udhëhiqet nga Drejtori, i cili është përgjegjës për administrimin, funksionimin dhe menaxhimin e Agjencisë.
2. Drejtori i Agjencisë është përgjegjës për :
 - 2.1. administrimin dhe menaxhimin e Agjencisë ;
 - 2.2. organizimin dhe punësimin e personelit, nxjerrjen e udhëzimeve administrative dhe marrjen e vendimeve për çështjet që u përkasin funksioneve të Agjencisë;
 - 2.3. menaxhimin efektiv dhe efikas të resurseve që i janë besuar Agjencisë;
 - 2.4. menaxhimin e Buxhetit të Agjencisë dhe për mënyrën e shpenzimit të tij;
 - 2.5. përfaqësimin e Agjencisë brenda dhe jashtë vendit;
 - 2.6. lidhjen e marrëveshjeve të bashkëpunimit me institucionet tjera vendore dhe ndërkombëtare në pajtim me ligjet në fuqi;
 - 2.7. angazhimin e ekspertëve jashtë Agjencisë;
3. Drejtori i Agjencisë ushtron edhe detyra tjera të përcaktuara me këtë ligj.

Amendamenti 6

Neni 5 , zëvendësohet , si në vijim :

Neni 6

Procedura për zgjedhjen e Drejtorit të Agjencisë

1. Komisioni, parlamentar përkatës, gjashtë (6) muaj para skadimit të mandatit të Drejtorit të Agjencisë e njofton Kryetarin e Kuvendit për fillimin e procedurës për zgjedhjen e Drejtorit të ri.
2. Komisioni shpall konkursin publik për pozitën e Drejtorit të Agjencisë. Afati për aplikimin e kandidatëve është 15 ditë.
3. Kandidati për Drejtor të Agjencisë duhet të plotësojë kushtet si në vijim:
 - 1.1. të jetë shtetas i Republikës së Kosovës,
 - 1.2. të ketë së paku diplomë universiteti katërvjeçar ose master;
 - 1.3. të mos ketë qenë i dënuar për vepër penale, mbi 6 muaj burgim;
 - 1.4. të ketë integritet të lartë moral;
 - 1.5. të ketë së paku tri (3) vite përvojë pune menaxheriale.
4. Pas skadimit të afatit të paraparë në paragrafin 2. të këtij neni, Komisioni, brenda afatit prej tridhjetë (30) ditësh, zhvillon intervistë me secilin kandidat i cili plotëson kushtet e parapara në parafin 3 të këtij neni, për tu zgjedhur Drejtor i Agjencisë, dhe në bazë të rezultatit të intervistës, përgatitë listën e ngushtë me dy(2) kandidatë për votim në Kuvend.
5. Kuvendi, me votim të fshehtë, zgjedh njërin prej dy (2) kandidatëve të propozuar nga Komisioni për Drejtor të Agjencisë, me shumicën e votave të deputetëve të Kuvendit që janë të pranishëm.
6. Drejtori i Agjencisë zgjedhet për mandat pesë (5) vjeçar, pa të drejtë rizgjedhje.
7. Drejtori i Agjencisë, gjatë mandatit, nuk mund të ushtrojë veprimtari politike.
8. Drejtori i Agjencisë, gjatë mandatit, nuk mund të ushtrojë detyra tjera publike, për të cilat shpërblehet me pagesë.

Amendamenti 7

Neni 6 , zëvendësohet , si në vijim :

Neni 7

Shkarkimi i Drejtorit të Agjencisë

1. Drejtori i Agjencisë mund të shkarkohet nga Kuvendi, me propozim të Komisionit parlamentar përkatës, për shkak të dështimit në përmbushjen e mandatit të dhënë më këtë ligj.
2. Shkarkimi i Drejtorit të Agjencisë, bëhet me shumicën e votave të deputetëve të Kuvendit, që janë të pranishëm.

Amendamenti 8

Neni 7 , zëvendësohet , si në vijim:

Neni 8

Përfundimi i Mandatit të Drejtorit të Agjencisë

1. Mandati i Drejtorit të Agjencisë përfundon :
 - 1.1. me përfundimin e mandatit të paraparë me këtë ligj;
 - 1.2. me humbjen e përhershme të aftësisë për të kryer funksionin e tij;
 - 1.3. nëse me vendim të plotfuqishëm gjyqësor është dënuar për vepër penale, mbi 6 muaj burgim;
 - 1.4. nëse ushtron funksione që janë në papajtueshmëri me funksionin e tij sipas ligjit në fuqi ;

Amendamenti 9

Neni 8 , zëvendësohet si në vijim :

Neni 9

Buxheti i Agjencisë

1. Agjencia është organizate buxhetore dhe ka kodin e vet buxhetor.
2. Agjencia përgatit dhe menaxhon buxhetin në pajtim me Ligjin për menaxhimin e financave publike dhe përgjegjësitë.

Amendamenti 10

Neni 9 , zëvendësohet , si në vijim :

Neni 10

Paga e Drejtorit të Agjencisë

1. Niveli i pagës së Drejtorit të Agjencisë, caktohet me Ligjin për pagat e funksionarëve të lartë publik.
2. Deri në miratimin e Ligjit për pagat e funksionarëve të lartë publik, niveli i pagës së Drejtorit të Agjencisë, caktohet nga Kuvendi.

Amendamenti 11

Neni 10 , zëvendësohet , si në vijim :

Neni 11

Struktura Organizative e Agjencisë

Struktura dhe organizimi i Agjencisë rregullohet me Akt Nënligjor.

Amendamenti 12

Neni 11 , zëvendësohet , si në vijim:

Neni 12

Komplekset Memoriale

1. Pjese përbërëse e këtij ligji është Shtojca 1 - Lista e Komplekseve Memoriale.
2. Lista e Komplekseve Memoriale, mund të plotësohet nga Kuvendi, me propozim të institucioneve të nivelit Komunal dhe Qendror .

Amendamenti 13

Neni 12 , zëvendësohet , si në vijim:

Neni 13

Nxjerrja e Akteve nënligjore

Aktet nënligjore të parapara më këtë ligj, nxjerrën nga Drejtori i Agjencisë, në afat prej 6 (gjashtë) muaj nga dita e hyrjes në fuqi e këtij ligji.

Rreth Amendamentit 10, Komisioni nxori :

P Ë R F U N D I M

- 1. Rekomandohet Komisionit për buxhet dhe financa të deklarohet për Amendamentin 10, përkatësisht Nenin 10 Paragrafi 2, rreth nivelit të pagës së Drejtorit të Agjencisë.**
- 2. Shtojcës së bashkëngjitur të Ligjit i shtohet Memoriali i 22 dëshmorëve në Randobravë në Kuvendin Komunal Prizren.**

Mbledhja përfundoi në orën 12,20.

Përgatitur nga:

Njësia për Mbështetjen e Komisionit

Kryetari i Komisionit,
Nait Hasani